



Broj: 02-05-23451-40.a)/09
Sarajevo, 24.09.2009. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 – Prečišćeni tekst), Vlada Kantona Sarajevo, na **28.** sjednici održanoj **24.09.2009.** godine, donijela je

PROCEDURE

AKTIVNOSTI UČESNIKA U POSTUPKU PODNOŠENJA ZAHTJEVA KANTONA SARAJEVO INSTRUMENTIMA PREDPRISTUPNE POMOĆI EU (IPA FONDOVIMA)

I SVRHA I CILJ

1. Ove procedure imaju za cilj definisanje zadataka i odgovornosti svih učesnika u postupku podnošenja zahtjeva Kantona Sarajevo za pristup IPA fondovima (Instrument for Pre-Accession Assistance).
2. IPA fondovi su pretpristupni fondovi EU za zemlje potencijalne kandidate za članstvo u EU. Za BiH, kao zemlju potencijalni kandidat, odobrene su dvije komponente IPA fordova:
 - komponenta I: pomoć u tranziciji i razvoju institucija (preko resornog državnog ministarstva prema voditeljima projekata), namijenjen razvoju kapaciteta i institucija i
 - komponenta II: prekogranična saradnja (javni pozivi), namijenjena za pružanje pomoći prekogranične saradnje između sadašnjih država članica i kandidata i potencijalnih kandidata, te saradnja između zemalja kandidata i potencijalnih kandidata.
3. Učesnici u postupku podnošenja zahtjeva Kantona Sarajevo za pristup IPA fondovima su:
 - Vlada Kantona Sarajevo
 - Ministarstva Kantona Sarajevo
 - Komisija za Program javnih investicija Kantona Sarajevo
 - Organizaciona jedinica za upravljanje i koordinaciju sredstava za razvoj u Zavodu za planiranje razvoja Kantona Sarajevo
 - Savjetnica premijera Vlade Kantona Sarajevo za integralno upravljanje prostorom
 - Ured Kantona Sarajevo u Bruxellesu
 - Sarajevska regionalna razvojna agencija –SERDA.
4. Osnovni dokumenti na kojima se zasniva prijedlog projekta su:
 - Strategije razvoja na nivou države i FBiH
 - Strategija razvoja Kantona Sarajevo do 2015. godine odnosno Operativni strateški plan
 - Prostorni plan Kantona Sarajevo 2003. - 2023. godine
 - Program javnih investicija Kantona Sarajevo 2009. - 2011. i za naredne godine
 - Javni pozivi EU za korištenje sredstava IPA fondova.

II PROJEKTI-definisanje i podnošenje aplikacija

1. Projekte koji mogu aplicirati za IPA fondove utvrđuje Vlada Kantona, na prijedlog Komisije za Program javnih investicija Kantona Sarajevo.
2. Program javnih investicija Kantona Sarajevo 2009. - 2011. i narednih godina je osnov mobilizacije kreditnih sredstava, donacija i svih vrsta ulaganja u investicije na području Kantona Sarajevo. Iz ovog programa prvenstveno treba izdvojiti i definisati projekte koji mogu konkurisati za sredstva IPA fondova.
3. Osim projekata koji su u Programu javnih investicija, mogu se predložiti i drugi projekti koji ispunjavaju uslove za apliciranje. Projekte mogu predložiti ministarstva, kantonalne upravne ustanove Kantona Sarajevo, kao i drugi akteri zakonodavne i izvršne vlasti u Kantonu Sarajevo.
Projekti se dostavljaju Organizacionoj jedinici za upravljanje i koordinaciju sredstava za razvoj u Zavodu za planiranje razvoja Kantona Sarajevo (u daljem tekstu Zavod).
4. Resorna ministarstva u okviru sistematizacije poslova treba da utvrde radna mjesta koja će obavljati poslove definisanja projekata, prosljeđivanja Zavodu na propisanim obrascima, dalju razradu prema uputama Zavoda i SERDA-e i praćenje realizacije projekata.
Do utvrđivanja radnih mjesta, ove poslove obavljaju članovi Komisije za Program javnih investicija.
5. SERDA obavještava jedinicu u Zavodu o otvorenim pozivima EU za IPA fondove i vrstama projekata koji mogu konkurisati.
6. Organizaciona jedinica za upravljanje i koordinaciju sredstava za razvoj u Zavodu objedinjuje projekte koji se kandiduju za IPA fondove i dostavlja ih Komisiji za Program javnih investicija. Komisija ih, nakon davanja mišljenja i provedene procedure, dostavlja Vladi Kantona Sarajevo na usvajanje.
7. Nakon usvajanja projekata na Vladi, Zavod ih dostavlja SERDA-i, koja pruža punu tehničku asistenciju. SERDA i saradnici iz Zavoda vrše popunjavanje aplikativnih propisanih obrazaca prema EU zahtjevima (strogo propisana forma, engleski jezik). U ovoj fazi mogu se uključiti i članovi Komisije za Program javnih investicija i Savjetnica premijera.
8. Predstvanik Kantona Sarajevo u Uredu u Bruxellesu, aktivno je angažiran na traženju partnera za odabrane projekte i u fazi odabira projekata za aplikacije.
9. Savjetnica premijera Vlade Kantona Sarajevo za integralno upravljanje prostorom aktivno učestvuje u svim aktivnostima poglavlja II ovih procedura i direktno informiše premijera Vlade Kantona Sarajevo. Također je zadužena za slanje projekata prema utvrđenim rokovima.
10. Pripremljene projekte za apliciranje IPA fondovima potpisuje premijer ili resorni ministar.
11. Vlada Kantona Sarajevo odobrava vlastito učešće Kantona Sarajevo u budžetu Kantona na prijedlog Ministarstva finansija i resornih ministarstava.

III PRAĆENJE REALIZACIJE I IZVJEŠTAVANJE

1. Komisija za Program javnih investicija i Savjetnica premijera za integralno upravljanje prostorom prate da li je projekat prihvaćen za finansiranje u okviru IPA fondova i o tome redovno izvještavaju premijera, a kvartalno Vladu Kantona.
2. Procedure stupaju na snagu danom donošenja, a bit će objavljene u "Službenim novinama Kantona Sarajevo".



Dostaviti:

1. Predsjedavajući Skupštine Kantona Sarajevo
2. Premijer Vlade Kantona Sarajevo
3. Ministarstvo finansija
4. Ministarstva x 11 (putem Ministarstva finansija)
5. Komisija za Program javnih investicija Kantona Sarajevo
6. Organizaciona jedinica za upravljanje i koordinaciju sredstava za razvoj u Zavodu za planiranje razvoja Kantona Sarajevo (putem Ministarstva finansija)
7. Savjetnica premijera Vlade Kantona Sarajevo za integralno upravljanje prostorom (putem Ministarstva finansija)
8. Ured Kantona Sarajevo u Bruxellesu (putem Ministarstva finansija)
9. Sarajevska regionalna razvojna agencija –SERDA (putem Ministarstva finansija)
10. Za objavu u "Službenim novinama Kantona Sarajevo"
11. Evidencija
12. A r h i v a



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

